

11. Korrika.

Korrika, Euskal Herritik kanpora

Korrikaren II. edizioa 1999ko martxoaren 19an hasi zen Iruñean, eta 1999ko martxoaren 28an bukatu zen Donostian, "Bat eta bat hamaika. Zu eta ni euskaraz" lelopean. Ramon Labaienek idatzi zuen lekukoaren barruko mezua, eta hark eraman zuen azken kilometroan.

Bestalde, aipatzekoa da, bi urte lehenago (1997an) AEK-k eta Eusko Jaurlaritzak akordioa sinatu ondoren, Mari Karmen Garmendia Kultura Kontseilariak egin zuela azken-aurreko kilometroa. Musikari dagokionez, Joxe Ripiauk, King Mafrundik eta Maialen Lujanbiok estilo-nahasketa egin zuten, eta uztartze horrek bestelako estiloa erantsi zion Korrikari. Joxe Ripiauk "reggae" ukitua eman zion, King Mafrundi talde lapurtarrak "batukada" erritmoak gehitu zizkion, eta Lujanbiok hitzak sortu zituen.

Edizio horretan, ohiko gorazarreak berrikuntza esanguratsua izan zuen, Korrika II n II omendu egon baitziren, batera. Ordura arte, lasterketaren edizio bakoitzean pertsona bakara omentzen zen; baina ordukoan ez. Pertsonaia bat goraiatu ordez, "bat eta bat hamaika" leloa aprobetxaturik, euskal esparruko hamaika pertsona eta talde omendu zituzten.

BAT: Pedro Migel Etxenike, euskal zientziak behar duen lekua aldarrikatzeagatik; BI: Jose Ramon Etxeberria, Euskal Herriko Unibertsitatean fisika euskaraz irakasteagatik; HIRU: Jose Angel Iribar, euskararen erabilera sustatzeagatik kirol-munduan; LAU: Maitena Araguas, Mauleko gau-eskolako irakasle zuberotarra, helduak euskaraz alfabetatzeagatik; BOST: Argiñe Iturregi Sestaoko irakasle eta gurasoa, lan-arloan euskaraz aritzeagatik; SEI eta ZAZPI: Gasteizko Mendia optika eta Elgoibarko Etxepare enpresa; ZORTZI: Laudioiko ikastolaren sortzaile-taldea; BEDERATZI: Arantza herria, Nafarroa Garaian, euskaraz bizi diren herrien ordezkari gisa; HAMAR: Euskalerrria Irratia, Nafarroan euskaraz emititzeagatik; eta HAMAIKA!: Ipar Euskal Herriko Maiatz taldea, euskal literatura zabaltzekotan egin eta egiten duen ahaleginarengatik.

Bitxikeria bezala, jakin al duzue Euskal Herritik kanpo ere Korrika egiten dela, ezta? Oraingoan, ez naiz ari Kataluniako "Correllengua"z edo Britainiako Ar Redadeg ekimenez, ez. Haiek beren hizkuntzaren aldeko lasterketa ospatzen dute, oso txalogarria. Gurera itzulita, kontua da II. edizio horretan, Bartzelonako eta Londreseko euskal etxeek beren Korrika-kilometroa korri egin zutela. Jaun-andreok, urte hartan Korrikak Euskal Herritik kanporako saltoa egin zuen! Gaur egun, Euskal Herriko lasterketa erraldoiaz gain, badira beste KORRIKA batzuk munduan zehar. Izan ere, planeta osoan badaude KORRIKA egiten duten euskaltzaleak; hala, kontinente guztietako hainbat herrialdetan gauzatzen dira Euskal Herrian egiten den edizioari lotutako ekimenak: Sidneyn, Shanghain, Mendebaldeko Saharan, Berlinen, Bartzelonan, Mexikon, Helsinkin, Valentzian eta Medellinen, esate baterako.

Saio honi amaiera eman beharko diogu jada. Hurrengo edizioan, milurtekoan sartuko gara; orduan, globalizazioaren hasierarekin batera, Korrikak ere garai berrietara egokitu nahi izan zuen bere burua. Nolako moldaketak egin zituen jakin nahi baduzue, ez galdu hurrengo atala! Bitartean, txintxoak izan. Agur, eta ondo izan!